

# SAKSPAPIR

| Saksnr | Utval         | Type | Dato       |
|--------|---------------|------|------------|
| 055/15 | Kommunestyret | PS   | 18.06.2015 |

| Saksbehandlar | ArkivsakID |
|---------------|------------|
| May Hundvin   | 14/1828    |

## Auke i mottak av flyktingar

### Rådmannen sitt framlegg til vedtak

Saka blir lagt fram utan innstilling.

### Kommunestyret - 055/15

#### KO - behandling:

#### Framlegg frå gruppeleiarane frå Krf, Ap, V, Sp og H:

Lindås kommune vil ta ansvaret for busetting av flyktingar.

i 4-års planen for busetting av flyktingar for perioden 2016-2019, vil kommunen auka busettinga av flyktingar, slik det går fram av brevet frå statsråden. I planen vil Lindås kommune vidareutvikle flyktningsservice, gjerne i samarbeid med nabokommunane og i samsvar med introduksjonsprogrammet for flyktingar. Lindås kommune vil vere ein god og aktiv mottakskommune som ønskjer velkommen nye medborgarar som blir busett ut frå det auka behovet Stortinget har gjort vedtak om. Lindås kommune vil i 2015 ta imot inntil 11 ekstra flyktingar.

Framlegget vart vedteke mot 5 røyster (Frp)

#### Framlegg frå B.Vatnøy-Frp:

Lindås kommune aukar ikkje opp med fleire flyktingar i denne omgang. Dette grunna usikkerhet rundt bustader og arbeidsmarknad.

Framlegget fekk 5 røyster (alle Frp) og fall

#### KO - vedtak:

Lindås kommune vil ta ansvaret for busetting av flyktninger.

i 4-års planen for busetting av flyktninger for perioden 2016-2019, vil kommunen auka busettinga av flyktninger, slik det går fram av brevet frå statsråden. I planen vil Lindås kommune vidareutvikle flyktningsarbeidet, gjerne i samarbeid med nabokommunane og i samsvar med introduksjonsprogrammet for flyktninger. Lindås kommune vil vere ein god og aktiv mottakskommune som ønskjer velkommen nye medborgarar som blir busett ut frå det auka behovet Stortinget har gjort vedtak om. Lindås kommune vil i 2015 ta imot inntil 11 ekstra flyktninger.

#### **Saksopplysningar:**

Saka skal avgjeraast i kommunestyret

Statsråd Solveig Horne har sendt brev til alle ordførarane i landet og ber om at kommunane aukar sine mottak av flyktninger.

I første omgang gjeld dette 2500 ekstra busettingar fordelt på kommunane i 2015. Evt. nye overføringsflyktninger kan komme i tillegg. Statsråden viser også til at det blir behov for å auke mottak i 2016.

Dersom Lindås kommune skal ta i mot «sin andel» av dei 2500 busettingane statsråden ber kommunane om å vurdere, vil dette utgjere eit mottak av 11 nye flyktninger.

#### Her og no situasjon :

For 2015 er det gjort vedtak om å motta 22 flyktninger, og administrasjonen er i ferd med å oppnå målsettinga, - dei siste busettingane/familiegjenforeningane er planlagt i løpet av komande tertial.

Også i vår kommune knytta den største busettings-utfordringa seg til å skaffe husvære som ligg i rimeleg avstand til buss, vaksenopplæring, lege, butikkar , skule og andre naudsynte fasilitetar for å hindre for høge transportutgifter. Kommunen har i liten grad eigne bustader, og er avhengig av å gå ut på leigemarknaden. Vi legg vekt på at bustadane ikkje skal ha for høg husleige. Når vi får på plass eigna bustad går resten av mottaket greitt med dei ressursar vi har til rådvelde personalmessig.

#### Auka mottak? :

Det er ei politisk avgjerd å auke omfanget av mottak i Lindås kommune. Administrasjonen kan rigge så mange busettingar det er politisk vilje til å gjennomføre, føresett naudsynt auke i bemanning, kontor/undervisningsareal og midlar til å dekke naudsynte utgifter som følgjer med til etablering, introprogram, helse, tolk, undervisning. Einingane må såleis få auka sine budsjett. I dag går integreringstilskotet inn i dei samla inntektsrammene i kommunen, og blir

ikkje tilført enkelte einingar.

Det må også vurderast å bygge eller kjøpe fleire kommunale bustader, dette for å hindre manglende tilgjenge på leigemarknaden og førebygge prispress. Evt. kostnader med dette er ikke tatt inn i denne saka.

Dei røynsler som er gjort så langt syner at tilskota frå staten dekker utgiftene når kommunane har eit visst omfang av sine mottak, og dette skjer årvisst. Introduksjonstilskotet blir gitt pr flykning i 5 år, dei to første åra relativt høgt, og gradvis minkande deretter.

Dei første åra kan likevel tilskota vere knappe når det gjeld å dekke inn både introduksjonsstønaden, etablering og alt det som følgjer med i busettingsprosessen av kartleggingar og tiltak og tenester. Men brukar vi gode ressursar i starten av eit mottak hjelper vi våre nye landsmenn til å klare seg sjølve, då blir dei siste åra av tilskotsperioden ein bonus som er med på å skape balanse/overskot i den samla reknskapen.

Sjølv om også vår kommune er råka av auke i arbeidsløyse, ser vi likevel positive teikn framover med omsyn til dei store nye etableringane i tilknytting til aktivitetsauken på Mongstad. Så langt NAV kjenner til er det vel så store behov for arbeidsplassar «på golvet» som høgteknologiske yrke som krev høg utdanning. Det skal såleis bli muleg å få folk i arbeid.

| Stortinget har fastsatt følgende satser for integreringstilskudd i 2015: |              |                                                                                                                |
|--------------------------------------------------------------------------|--------------|----------------------------------------------------------------------------------------------------------------|
| Integreringstilskudd                                                     | Bosettingsår | Sats                                                                                                           |
|                                                                          | År-1 (2015)  | kr. 182 000 (voksen)*<br>kr. 182 000 (barn)*<br>kr. 232 000 (enslig voksen)<br>kr. 182 000 (enslig mindreårig) |
|                                                                          | År-2         | kr. 210 000                                                                                                    |
|                                                                          | År-3         | kr. 152 000                                                                                                    |
|                                                                          | År-4<br>År-5 | kr. 82 200<br>kr. 70 000                                                                                       |
| Barnehagetilskudd                                                        |              | kr. 24 400 (engangstilskudd)                                                                                   |
| Eldretilskudd                                                            |              | kr. 157 500 (engangstilskudd)                                                                                  |
| Særskilt tilskudd enslig mindreårig                                      |              | kr. 191 300                                                                                                    |
| Personer med kjente funksjonshemminger                                   |              | Tilskudd 1: kr. 175 900 (engangstilskudd)<br><br>Tilskudd 2: Inntil kr. 1 080 000 i inntil 5 år                |

\*Personer regnes som voksne fra og med året de fyller 18 år.

## § 8 Rett til introduksjonsstønad

For den tid ein person deltar i program som nevnt i § 4, har vedkommende krav på introduksjonsstønad. For deltakelse i program er stønaden på årsbasis lik to ganger folketrygdens grunnbeløp.

Deltaker under 25 år mottar 2/3 stønad.

*Pr. 01. 05.15 er grunnbeløpet kr. 90 068 pr. år/kr. 7 506 pr månad*

Stipulerte kostnader/inntekter i 2015 og 16 ved mottak av 11 flyktingar.

*Vi legg til grunn at samansettinga vil bli 7 vaksne og 4 barn og at flyktingane er etablerte innan 1 september.*

| <b>UTGIFTER 2015:</b>                                            | 2 x Familie<br>tils 4 vaksne 4 barn     | 7 vaksne einslege | totalt  |
|------------------------------------------------------------------|-----------------------------------------|-------------------|---------|
| Introduksjonsstønad<br>4 mnd total                               | 240 192                                 | 420 336           | 660 528 |
| Etablering                                                       | 60 000                                  | 100 000           | 160 000 |
| Barnehage, tolk                                                  | 120 000                                 |                   | 120 000 |
| Undervisning, tolk                                               | 250 000                                 |                   | 250 000 |
| Helse, tannlege                                                  |                                         |                   | 20 000  |
| Bøker,<br>skulemateriell                                         |                                         |                   | 2 000   |
| Div kostnader:<br>Straum, reise,<br>barnehage,<br>husleigestøtte |                                         |                   | 150 000 |
| Bemanningsauke<br>NAV tils 1 stilling                            | Årsutgift : 600 000 inkl. sos.kostnader |                   | 200 000 |

Samanfatta oversyn over inntekter og utgifter ved mottak av 11 flyktingar for 2015 og 2016 :

|                                      | Totalsummar:              | Einsleg voksen        | Vaksne i<br>familie   | Barn i familie        |
|--------------------------------------|---------------------------|-----------------------|-----------------------|-----------------------|
| UTGIFTER 2015<br>Integreringstilskot | 2 362 528                 | $232\ 000 \times 7 =$ | $182\ 000 \times 4 =$ | $182\ 000 \times 4 =$ |
| INNTEKTER<br>2015                    | (3 080 000)<br>3 348 400* | 1 624 000             | 728 000               | 728 000               |

\*I reknestykket har vi lagt til grunn at 2 av barna går i barnehage. Kommunen får då eit eingangstilskot med kr. 24.400 pr. barn.

#### OBS :

**Kommunen får utbetalt 1/1 årssats uavhengig av kortid på året mottaket skjer. Å ta i mot fleire flyktingar i år, vil difor gi eit betydeleg overskot for desse i 2015. Ulempa er at vi får mindre midlar for desse flyktingane i 2017. 2015- flyktingane er då framleis inne i det 2-årige introprogrammet og får introduksjonsstønad, medan tilskotet då blir utbetalt som 3. års tilskot.**

|                   |           |                                                    |
|-------------------|-----------|----------------------------------------------------|
|                   |           | Alle – vaksne og<br>barn:                          |
| UTGIFTER<br>2016  | 3 851 584 |                                                    |
| INNTEKTER<br>2016 | 2 310 000 | <i>Integreringstilskot</i><br>$210\ 000 \times 11$ |